

**Egzodus u Raki: „Tajni
dogovor“ američke koalicije
omogućio ISIL-ovim
teroristima da pobjegnu...**

Michel Chossudovsky



Egzodus u Raki: „Tajni dogovor“ američke koalicije omogućio ISIL-ovim teroristima da pobjegnu...

Michel Chossudovsky

Pisac



Sažetak

„Dogovor o omogućavanju bijega za borce Islamske Države iz Rake – de facto prijestolnice njihovog samoprozvanog kalifata – je postignut između lokalnih zvaničnika, nakon četiri mjeseca sukoba koji su potpuno razorili i opustošili grad. Dogovor bi spasio živote i okončao sukobe. Životi arapskih, kurdskih i ostalih boraca koji se protive Islamskoj Državi bi bili spašeni. No, ovo je omogućilo i stotinama ISIL-ovih boraca da pobjegnu iz grada. U to vrijeme, niti američka, niti britanska koalicija, niti SDF (Sirijske demokratske snage) nisu htjele da priznaju svoju krivicu.

Ključne riječi: Raka, Islamska država, ISIL, SDF

Ministar odbrane SAD-a James Mattis u maju je u Wahingtonu potvrdio spremnost na uništenje ISIL-ovih terorista:

„Naša namjera je da strani borci (ISIL/Daiš) ne dožive povratak kući u Afriku, Evropu, Ameriku, Aziju. Mi im nećemo to dopustiti...“

Ovo je bio „politički narativ“ Pentagona. Prešućena istina je bila da je Ujak Sam pritekao u pomoć Islamskoj Državi. Najveća vjerovatnoća jeste da je ova odluka donesena i provedena prema naredbama Pentagona, prije nego State Departmenta.

Kao što je potvrđeno u BBC-evoj reportaži nazvanoj Prljava tajna Rake, koalicija pod vodstvom SAD-a je omogućila egzodus ISIL-ovih terorista i članova njihovih porodica izvan njihovih uporišta u Raki, u sjevernoj Siriji.

Iako se BBC-eva reportaža fokusirala na detalje bijega, svejedno je potvrdila postojanje „Tajnog dogovora“ koji uključuje SAD i njihove besprijekorne britanske saveznike, koji su dopustili teroristima da pobjegnu iz Rake.

„Dogovor o omogućavanju bijega za borce Islamske Države iz Rake – de facto prijestolnice njihovog samoprozvanog kalifata – je postignut između lokalnih zvaničnika, nakon četiri mjeseca sukoba koji su potpuno razorili i opustošili grad. Dogovor bi spasio živote i okončao sukobe. Životi arapskih, kurdskih i ostalih boraca koji se protive Islamskoj Državi bi bili spašeni. No, ovo je omogućilo i stotinama ISIL-ovih boraca da pobjegnu iz grada. U to vrijeme, niti američka, niti britanska koalicija, niti SDF (Sirijske demokratske snage) nisu htjele da priznaju svoju krivicu. Da li je ovaj pakt, koji je ostao zapamćen kao prljava tajna Rake, pustio prijetnju u vanjski svijet – onaj koji je omogućio militantima da se prošire dalje od Sirije?

Veliki naponi su načinjeni da se ovo sakrije od ostatka svijeta. Ali BBC je razgovarao sa desetinama ljudi, koji su ili bili u konvoju, ili su ga posmatrali, te sa ljudima koji su ispregovarali dogovor...

To nije bila evakuacija – bio je to egzodus takozvane Islamske Države.“

(Quentin Sommerville i Riam Dalati, Prljava tajna Rake, BBC, novembar 2017)

Vojni avioni koalicije pod vodstvom SAD-a su nadgledali evakuaciju ISIL-ovih terorista, ali bilo je očigledno da konvoji autobusa i kamiona nisu bili meta bombardovanja. „Koalicija je sada potvrdila da iako nije imala ljude na terenu, da je nadgledala konvoj iz zraka.“

U svjetlu BBC-jevih pronalazaka, koalicija sada priznaje da je odigrala određeni dio u dogovoru...

Da su željeli da napadnu ISIL-ov konvoj, to bi bila jako jednostavna operacija za Zračne snage SAD-a. Sa druge strane, mogli su da odluče da blokiraju konvoj, ne da ga unište (što bi umanjilo broj žrtava), te da uhvate i zatvore strane borce. Američki zvaničnici su nonšalantno potvrdili da nisu učestvovali u pregovorima, te da stoga nisu bili u mogućnosti da spriječe egzodus terorista:

„Nismo željeli da bilo ko ode“, rekao je Col Ryan Dillon, glasnogovornik operacije Urođena odlučnost, što je zajednički naziv operacija američke koalicije protiv Islamske Države.

„Sve se svodi na Sirijski narod – oni su ti koji se bore i ginu, oni su ti koji trebaju odlučiti o operacijama“, rekao je.

„Iako je zapadni oficir bio prisutan na pregovorima, on nije 'aktivno učestvovao' u razgovorima“, tvrdi Dillon.

Ono što je ustanovljeno jeste da je većina ISIL-ovih boraca bila stranog porijekla, iz velikog broja zemalja, što ukazuje na jako pažljivo organiziranu regrutaciju i program obuke:

„...Bio je veliki broj stranaca. Francuska, Turska, Azerbejdžan, Pakistan, Jemen, Saudijska Arabija, Kina, Tunis, Egipat...“

„Većina su bili stranci, ali bilo je i Sirijaca.“

BBC-jeva reportaža ukazuje na pažljivo osmišljen plan kojim je omogućena sigurna evakuacija terorista. Zvanično objašnjenje jeste da je dogovor postignut uz posredovanje Sirijskih demokratskih snaga, koje pružaju podršku od SAD-a. Koalicija pod vodstvom SAD-a je „pustila da se to desi“, oni nisu vojno intervenirali da spriječe egzodus i bijeg stranih boraca iz Rake.

Ovo ne bi trebalo biti iznenađenje. Od samog početka 2014, ISIL je primao podršku od koalicije pod vodstvom SAD-a, uz aktivnu podršku

Saudijske Arabije. Amerikanci i njihovi saveznici su glavni sponzori Islamske Države.

Oružja, obuke, logistika: ISIL je konstrukt američke obavještajne službe. ISIL/Daiš teroristi su pješadija SAD-a / NATO-a.

Bombardovanje Iraka i Sirije pod vodstvom SAD-a – pod krinkom lažnog „rata protiv terorizma“ – nije bilo usmjereno prema ISIL-u / Daišu. Teroristi su bili pod zaštitom američke koalicije. Prešućeni cilj je bilo ubijanje civila i uništavanje civilne infrastrukture i u Siriji i u Iraku.

Da li postoji obrazac u evakuaciji terorista koji primaju podršku od SAD-a?

Prisjećanje na drugi rat pod vodstvom SAD-a. Afganistan 2001. Cilj SAD-a je bio da u potpunosti zaštiti svoja „obavještajna sredstva“.

„Egzodus Rake“ iz oktobra 2017. god. nevjerovatno podsjeća na akciju Bjekstvo iz novembra 2001., u Kunduzu, koja je provedena po naređenju Donalda Rumsfelda. U oba slučaja cilj Pentagona i CIA-e je bio da organizuje bijeg (i relokaciju) džihadista koji su imali podršku SAD-a.

Krajem novembra 2001. god., prema Seymouru Hersh, Sjeverno savezništvo, uz podršku američkih zračnih napada, preuzelo je brdovito mjesto po imenu Kunduz u sjevernom Afganistanu:

“Osam hiljada ili više ljudi je bilo zarobljeno unutar grada u posljednjim danima opsade, skoro pola njih su bili Pakistanci, Afganistanci, Uzbeci, Čečeni, a ostatak njih su bili različiti arapski plaćenici.” (Seymour M. Hersh, Bjekstvo, New Yorker, 28. 01. 2002.)

Također, među ovim borcima je bilo i nekoliko viših vojnih oficira i obavještajaca iz Pakistana, koje je na ratište poslala pakistanska vojska. Prisustvo visokih pakistanskih vojnih i obavještajnih oficira u redovima talibanskih i Al-Qaedinih snaga je bilo poznato Washingtonu, koji je to odobravao.

Predsjednik Bush je zaprijetio: “Mi ćemo im stati u kraj. Oni su u bijegu, a mi ćemo ih staviti pred lice pravde.” (Pogledati CNN, 26. 11. 2001.) Nikada im nisu stali u kraj. Zračnim putem su prevezeni u sklonište.

Prema naredbama Ministra odbrane Donalda Rumsfelda, egzodus (zračni most) Al-Qaedinih boraca su omogućile američke snage, u koordinaciji sa pakistanskom vojskom:

“Administracija je naredila vrhovnoj komandi SAD-a da uspostavi poseban zračni most kako bi mogla osigurati sigurnost tokom spasilačkih letova iz Kunduza prema sjeverozapadu Pakistana.”

Prema navodima bivšeg višeg američkog zvaničnika odbrane, zračni most je odobren zbog pakistanskih tvrdnji da su se tu nalazili “obavještajci i ljudi koji su trebali izaći iz grada.” (Seymour Hersh)

Drugim riječima, zvanična priča je da to nije bila njihova odluka: Pakistanska obavještajna služba “nas je prevarila”.

Od skoro 8000 hiljada i više ljudi, 3300 se predalo Sjevernom savezništvu, što znači da je “nepoznato” šta se desilo sa 4000–5000 hiljada ostalih boraca. Prema Hershovim saznanjima, zasnovanim na izvorima indijskih obavještajaca, skoro 4000 ljudi, uključujući i dva generala pakistanske vojske, su evakuisani.

Ovo poricanje je bilo prisutno i u ostalim redovima. Američki zvaničnici su ipak priznali da je ono “što je trebalo da bude ograničena evakuacija očito otišlo van kontrole, te je kao neželjena posljedica, nepoznati broj Talibana i boraca Al-Qaede uspio da se priključi egzodusu.” (Hersh, ibidem)

Uporedite Hershovu priču o Bjekstvu iz Kunduza sa Bijegom ISIL-ovih boraca iz opkoljenog grada Rake u sjevernoj Siriji.

Strani i pakistanski Al-Qaedini borci su pobjegli u sjeverni Pakistan, u područja koja su naknadno bila mete američkih bespilotnih letjelica. Mnogi od ovih boraca su, također, bili uključeni u dvije glavne kašmirske terorističke skupine: Lashkar-e-Taiba (Vojska neokaljanah) i Jaish-e-Muhammad (Muhammedova vojska).

Koja je sljedeća destinacija stranih boraca koji su evakuisani iz Rake uz podršku američke vojske?